

15.Maj. 2019

UPA2019/122

**Naalackersuisut kingusinnerpaamik UPA2020-mi Kalaallit peqqissartut angerlarsimaffianni kalaaliminernik atuinerup qanoq iliorluni annertusineqarsinnaanera pillugu misissuineramik suliaqarnissaat pillugu Inatsisartuni aalajangiiffigisassatut siunnersuut. Misissuinerami – ajornangippat – igaffissuarmi igaat kalaaliminersunninnerat qanoq ililluni annertunerulersinnaanera pillugu kaammattuuteqarfigineqassaaq.**

(Inatsisartuni ilaasortaq Stine Egede, Inuit Ataqtigiit)

Kalaallit peqqissartut angerlarsimaffiini kalaaliminertortoqarnerulernissaanik kissaateqarluni siunnersuut Inatsisartuni ilaasortap Stine Egede-imit qaqqinneqartumut Siumumiit qutsavigaarput imatullu oqaaseqarfigissavarput.

Siunnersuutigineqartumut Naalackersuisut akissutiminni allannguutissatut siunnersuuteqarput Inatsisartut upernaakkut ataatsimiinnissaat 2020-ip sioqqullugu misissuisoqareersimanissamik, Siumumiit kissaatigaarput Naalackersuisutta Qallunaallu Naalackersuisuisa oqaloqatiinnermikkut pitsaasumik angusaqarumaartut, ajornangippat piffissaliunneqartoq sioqqulluguluunniit.

Naalackersuisullu akissuteqaamminni eqqaasaasa ilagaat kattorsartittut ukiumikkut aammalu nereriaatsimikkut assigiinngisitaarsinnaasarneri, nakorsartinnermillu kingunerisaanik neriniartarneri aamma innarleqqasarsinnaasimasut, taamaatumik tamakku eqqartorneqartut tunngavigalugit sukumiisumik missuisoqarnissaa Siumumiit tapersersoratsigu oqaatigissavarput.

Qularutissaanngilarli kalaaliminernik nerisaqarluartunut aamma nerisaasa peqqissusaannut sunniuteqarluartarnerat, taamaatumik kalaaliminernik nerisaqarluartartunut aqputissiusinissaq pissusissamisoorpoq, Naalagaaffeqartigiinnerullu iluani paaseqatigiinnissaq pingaaruteqarluni uuma suliaq anguniarneqarnissaanut, Naalackersuisugullu uuma suliaq suliarinissaanut angusaqarluarnissaannik kissaallutigit.

Siunnersuuteqartullu tunngavilersuutai, Naalackersuisullu akissuteqaamminni tunngavilersuutaat paasilluarlutigit, suugaluarnerisullu aqqusaagassat misissuinissami sulilluartoqarneratsigullu naammassinnilluartoqarumaartuq Siumumiit kissaatigaarput.

Taamatut oqaaseqarluta Naalackersuisut allannguutissatut siunnersuutaat taperserparput, Naalackersuisullu sulilluarnissaannik kissaallugit.

Pisariaqartinneqarpallu ataatsimiitaliamut susassaartumut ingerlatinneqarnissaa ammaffigaarput.

Henrik Fleischer, Siumut